

Lesing 61 - 16 Mei 2022 - Die Laatreëns vir Dogter van Sion Bruid

Openbaring 76 ontvang deur Daniel Grobbelaar op
25/01/19

"MY Dogter van Sion, EK IS WAT EK IS! **EK IS julle Migdol Toring, julle Bergvesting**, julle Toevlug! EK omvou julle met MY beskermende Vleuels en EK vertroos julle in MY Kleed van Vergifnis. **Hou aan seën MY Boere** en deins geensins terug in die geveg teen die bose nie, want EK IS! EK loop julle vooruit en EK versterk julle. Kyk op na MY! Jubel en wees vrolik met Vrolikheid van Hart, want daarin lê die Krag opgesluit wat julle benodig. Vrolikheid in MY as VADER kan MY teenpool nie verdra nie en daarom sal hy die geveg ernstiger versnel en verhard, maar ook deur slinkser maniere.

Wees waaksam in MY en bid! Sonder julleself af in MY LIEFDESLAER en bly daarin, bly in MY! EK bring genesing en krag vir julle MY kinders en wees vol Hoop en Vertroue in MY, die Almagtige van IsraEL Jakob! Vind vertrroosting in die vergifnis van sondes en weet dat EK op MY Tweede Dag 'n welbehae gevind het in julle offer aan MY op die Eerste Dag! Verbind met MY en los alle leuens en bedrog. Los die bekommernisse en stres. Wees vol Geloof, Hoop en LIEFDE BO ALLE LIEFDE."

Openbaring 77 en ervarings op 26/01/19

"MY kind, MY Kneg! Dit is EK jou VADER. Hier is EK in die harte van liefde, hier is EK is die gesang van die voëltjies. Hier is EK in die salige briesie op hierdie Derde Dag van Ons Verbond van Verootmoediging tot MY. MY Geloftevolk, wees bereid en vol moed om te fokus op MY en vir wat julle vir MY en die saligheid van julle siele moet doen. Bly gefokus op MY as julle Enigste Leier, Elohim van Hemele en Aarde. EK IS WAT EK IS! MY Kneg, deel nou wat jy gesien het tydens die blaas van die Ramshorings vanuit julle harte:"

Daar waar ek my ervaring gehad het met die blou hammer in my hand daar was ek in die kring van liefdeshande, liefdeshande saamgebind deur U ons MAN! U wat harte aan hande bind!! Terwyl ek bid terwyl die Ramshorings geblaas word, sien ek skielik om ons almal skares en skares engele wat ook op Ramshorings blaas. Ek sien ook die 4 Boodskappers op elke hoekpaal. En daar binne-in die Klipwiel sit U geklee in U wit skone kleed!!! Met U Vrolike Aangesig sien ek U daar sit en glimlag en soveel LIEFDE straal vanuit U Oë!!! U het my met soveel krag en liefde bestraal!

"Ja my Dogter, EK was daar en is steeds hier. EK wandel tussen julle rond. EK is by julle, in julle! **Staan vas in hierdie geveg MY Boere-Gilgaliete**, staan vas, skouer aan skouer! Kyk op na MY en wees gefokus. Sing tot MY met passie en brandende LIEFDE! Leer om te sing met Erns en Vrolikheid van Hart, wees

opgewek! **Sluimer nie agter die Wawiel nie MY soldate, sluimer nie** en dien MY met Geloof en Oorgawe. Deel jou volgende ervaring MY kneg, want die Getuies moet hulle werk voltooi!"

Net na die diens toe het ook Dirk gebid vir ons en die hele volk tot VADER. Eweskielik is ek in die gees en bevind myself by die Jordaan rivier. Ek sien JAHSHUA heel voor, een tree vanaf die rand van die rivier. Agter HOM staan daar Sewe blasers met Ramshorings. Agter hulle sien ek ons, die Volk van die Almagtige! Ons is gereed om ons Ewige MAN en ELOHIM deur die Jordaan te volg in LIEFDE BO ALLE LIEFDE!! Hierdie is 'n ontsaglike groot DAG! Die Sewe begin toe te blaas op hulle Ramshorings en soos hulle blaas, begin die waters van die Jordaan in beroering kom en ek sien die waters begin skei en die bodem van die rivier begin stadig sigbaar word soos 'n pad wat besig is om oop te vou.

"MY Boerevolk! MY JAKOB ISRAEL! Is julle gereed om MY te volg in gehoorsaamheid en Geloof? Het julle genoeg LIEFDE en dapperheid om MY eerste te stel en MY te vertrou in ALLES? Julle moet SING vanuit julle harte van liefde! Wees vrolik en dankbaar vir hierdie kort tyd van Barmhartigheid wat EK verleen. EK het al MY kinders lief, lief, lief! Leer MY kinders en word wys. Versterk julle siele met MY Krag!"